



SAVEZ RAČUNOVOĐA, REVIZORA I FINANSIJSKIH RADNIKA FBiH
SAVEZ RAČUNOVOĐA, REVIZORA I FINANSIJSKIH DJELATNIKA FBiH

KNEZA VIŠESLAVA bb, 88 000 Mostar, tel/fax: 036/318-660, 036/334-189, 036/334-184
e-mail: info@srr-fbih.org
ISEVIĆA SOKAK 4, 71000 SARAJEVO
tel/fax: 033/572-651, 033/572-650, e-mail: sarajevo@srr-fbih.org
web: www.srr-fbih.org

Na osnovu člana 6. Zakona o računovodstvu i reviziji Bosne i Hercegovine ("Službeni glasnik BiH", broj 42/04), člana 7. stav 4. Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj 83/09), Upustva o osnovama i kriterijima kontinuirane profesionalne edukacije („Službeni glasnik BiH“, br. 42/09 i 4/10), čl. 6. i 27. Statuta Saveza računovođa, revizora i finansijskih radnika Federacije Bosne i Hercegovine (u daljem tekstu: Savez), Pravilnika o kontinuiranoj profesionalnoj edukaciji broj: PR-1/12-09, Pravilnika o pribavljanju, odobravanju i nadzoru kontinuirane profesionalne edukacije broj: PR-1/7- 2011 i Upustva o načinu prijavljivanja za izvođenje kontinuirane profesionalne edukacije broj: U-KPE-1/11-2011., Upravni odbor Saveza objavljuje sljedeći:

JAVNI POZIV
potencijalnim izvođačima kontinuirane profesionalne edukacije za CRT,
CR i OR u 2017. godini

Svaki član računovodstvene profesije i srodnih djelatnosti (profesija), dužan je realizirati - pohađati kontinuirano profesionalno obrazovanje u okviru kriterija koji je utvrdila Komisija za računovodstvo i reviziju BiH.

Svi članovi računovodstvene i srodnih profesija su dužni ispuniti kriterij kontinuirane profesionalne edukacije (KPE) u trajanju od najmanje 40 bodova/sati godišnje.

KPE se provodi kao samostalno obrazovanje (individualna edukacija) i organizirana edukacija (sudjelovanje na seminarima, simpozijima i drugim organiziranim vidovima edukacije).

U Program kontinuirane profesionalne edukacije ulaze samo oni organizirani oblici edukacije (seminari, radionice, savjetovanja, škole, simpoziji, kongresi, tečajevi i dr.) koji ispunjavaju uvjete definirane aktima Saveza.

Sukladno Pravilniku o kontinuiranoj profesionalnoj edukaciji, izvođenje KPE se može odobriti svim pravnim licima koja se prethodno obrate Savezu s prijedlogom tema koje će se izvoditi putem svakog pojedinog organiziranog oblika edukacije (seminar, radionica, savjetovanje, škola, simpozij, kongres, tečaj i dr.), a koje Upravni odbor Saveza prethodno prizna i odobri kao Program kontinuirane profesionalne edukacije.

Svi priznati i odobreni vidovi KPE imaju se obavljati uz korištenje imena Saveza i uz odgovarajuću naknadu Savezu.

U skladu s navedenim, pozivamo sva pravna lica koja žele biti izvođači KPE u 2017. godini da Savezu dostave okvirni godišnji prijedlog oblika i sadržaja edukacije koje namjeravaju organizirati tokom 2017. godine.

Okvirni godišnji prijedlog programa KPE treba da sadrži:

- 1) oblik edukacije (npr. seminar, savjetovanje, simpozij, radionica, tečaj i sl.) i njihovo vremensko trajanje;
- 2) sadržaj edukacije u skladu sa slijedećim oblastima:
 - računovodstva, revizije, financija i drugih s njima povezanih znanja;
 - organizacijskih i poslovnih znanja i
 - znanja i kompetentnosti u oblasti informacijskih tehnologija.

Detaljni sadržaj pojedinih oblasti utvrđen je u Upustvu o osnovama i kriterijima kontinuirane profesionalne edukacije u BiH („Službeni glasnik BiH“, br. 42/09 i 4/10).

- 3) opis nastavnih metoda i korištenih učila;
- 4) popis predavača s njihovim kratkim CV i predavačkim referencama;
- 5) opis sistema internih kontrola kvalitete priprema, izvršenja i analize učinaka edukacije
- 6) rješenje o registraciji (ovjerena kopija ne starija od 6 mjeseci).

Za priznavanje pojedinačnih programa i sadržaja KPE tokom 2017. godine naknadno će se Savezu dostavljati posebni zahtjevi na način kako je to utvrđeno Upustvom o načinu prijavljivanja za izvođenje kontinuirane profesionalne edukacije broj:U-KPE-1/11-2011.

Kriteriji na bazi kojih se predložena nastava odobrava i priznaje kao dio Programa KPE su:

- 1) aktuelnost i sadržaj tema;
- 2) ispunjenje obveza prema godišnjem planu edukacije;
- 3) usklađenost tema s naprijed navedenim (3) oblastima u skladu s MOS-a;
- 3) reference pravnog lica/organizatora i predavača;
- 4) kvaliteta nastavnih metoda i učila;
- 5) dostupnost edukacije svim članovima Saveza pod jednakim uvjetima;
- 6) adekvatnost seminarskog materijala;
- 7) izvršenje ranije odobrenih programa za iste ili srodne teme ili oblasti;
- 8) ispunjenje finansijskih obveza Izvođača prema Savezu na temelju KPE;
- 9) ispunjenje obaveza izvještavanja Saveza o prisutnosti članova profesije i prijave bodova.

Upravni odbor Saveza zadržava i pravo da u Program KPE odobri i prizna samo dio predloženih tema i/ili odredi broj sati/bodova koji se priznaju za pojedinu temu.

Ovaj javni poziv je stalno otvoren do kraja 2017. godine.

U Mostaru, 23.12.2016.godine

Broj: JP-1/12-2016